

20 Բայց զինն ժամու<sup>1</sup> աւուրն երրորդի յարուցեալ երանելի Խուժիկն, որպէս թէ կամաւ կաղս ի կաղս, հայելով զկանի իւր՝ փախչէր ի տեղոջէն, զի զնոսա զաւրացուցէ ի կանգնել եւ զկնի իւր հեռացուցանել ի վայրացն: 21 Որոց տեսեալ գերանելի Խուժիկն, զի երթայր խելքեկս յընթացի՝ ուշաբերեալք առ վտանգի զկնի ևորա սրանային ի տեղոյն, չիշխեցեալք բնաւ դառնալ եւ հայել ի տեղիսն առ երկիւղի. եւ պնդեալք զհետ Վեհդենշապիոյ եւ գործակցացն ևորա փութային: 22 Բայց երանելի Խուժիկն ընդ այլ ճանապարհ որոշէր ի ևոցանէն: 23 Եւ հասեալ պահապանացն առ իշխանսն յաւուրն վեցերորդի՝ պատմէին զամենայն անցս աղետիցն, որ անցին ընդ ևոսա զտիւն մի եւ զգիշերս երկուս. զորոց զգոյն երեսացն տեսեալ Դենշապիոյ եւ ընկերացն ևորա, եւ զանցս ահագին իրացն մի ըստ միոջէ լուեալ՝ զարհուրէին, եւ ապշեալք ի բազում ժամս հիանային: 24 Խորհուրդ ի մէջ առեալ՝ ոչ ինչ կարէին իմանալ հնարս, բայց զպահապանսն եւեթ լռեցուցանել ջաւային, ջայտնել ումեք ամենեւին եւ ոչ բնաւ յիշել առ ումեք<sup>2</sup> զմահ քահանայիցն եւ կամ զայնպիսի նշանաց երեւմունս: 25 Բայց ինքեանք<sup>3</sup> միայն խոճոճելով առանձինն զարմացմամբ որպէս յանգայութիւն ընկղմէին, ասելով Դենշապուհ եւ Ջնիկայ ցմիմեանս, եթէ «Ոչ են իրք քրիստոնէից թերթել իմն եւ դուզնաքեայ. այլ հաստատ մեծ է զաւրութիւն արինաց ևոցա եւ հաւատոց. եւ մեք յանգիտութեան վնասեալ կորնչիմք եւ չզգամք»:

26 Իսկ երանելի Խուժիկն գիտացեալ, թէ ցածոյց Աստուած զամենայն կասկած յամենայն կողմանց, այլ եւ զպատասխանիսն իշխանացն լուաւ, զոր ինչ պահապանացն արարին, եւ թէ ոչ ոք առնէ փոյթ ոսկերացն սրբոց՝ առեալ ընդ իւր տասն եւս այլ ընկեր, զորոց կարի քաջ գիտեր զհաւատս<sup>4</sup> քրիստոնէութեանն՝ առնուին ընդ ինքեանս եւ գրաստս, եւ ըստ իւրաքանչիւր անձին սրբոցն սապատս չորեքկուսիս, եւ զնացին լռելեայն<sup>5</sup> ի գիշերի յիրսն: 27 Եւ մերձեալք ի վայրն՝ վրիպէին ի տեղոյն, ուր մարմինք սրբոցն կային, քանզի ոյժ աղջամղջին եր գիշերն. եւ աշխատեալք առ վայր մի՝ տրտմէին, անարժանս կարծեցեալ զանձինս գիւտի երկնաւոր զանձուն: 28 Եւ մինչդեռ ևոքա խռովեալք յածէին ընդ տեղիսն՝ եւ ահա յանկարծակի ի նմանութիւն լուսաւոր արծուոյ սլացեալ հասանէր յերկնից եւ իջեալ ևստեր ի վերայ մարմնոյ սրբոյ առն Աստուծոյ Ղեւոնդի. եւ լուսաւորեալ տեղիքն առաւել եւս քան ի տուէ՝ երեւէին յայտնապէս մարմինք իւրաքանչիւրոց<sup>6</sup>

1 Ձ. զինն ժամաւ

2 ՏՏ. յիշել ումեք

3 Ձ. երեւումնս. բայց ինքեան

4 Ձ. զհաւատ

5 Ատ. այստեղ եւ յետոյ՝ լռելեան

6 ՏՏ. իւրաքանչիւր